

Libari sò

Aghju ognì ghjornu sunniatu
Aghju ognì ghjornu bramatu
Pudè viaghjà par aria...senza parlà, senza parlà.

Ochji pisati à u celu
Troppu scuru era u velu
Pugni alzati incù forza...senza trimà, senza trimà.

Tanti prigheri muti, tanti arechji cionchi
Tanti sguardi cechi, nant'à visi fasciati
Għjenti assuffugati, cundannati à spatanscià
Populu invinuchjatu, dignità devi ritruvà.

Dolori di l'orienti,
mi ni facciu a me suffrenza
Forsa l'omu s'accurarà...senza tumbà, senza tumbà.

Pà rispirà libartà
È pà mugħjà virità
U velu si brusgiarà...senza pietà, senza pietà.

Tanti prigheri muti, tanti arechji cionchi
Tanti sguardi cechi, nant'à visi fasciati
Għjenti assuffugati cundannati à spatanscià
Populu invinuchjatu, dignità devi ritruvà.

Svegliu d'Isula